

Visoki predstavnik razgovarao sa ministrom vanjskih poslova Slovenije Rupelom

Visoki predstavnik, Wolfgang Petritsch, danas je razgovarao sa ministrom vanjskih poslova Slovenije, Dimitrijem Rupelom, koji se nalazi u posjeti Sarajevu.

Visoki predstavnik je informirao gospodina Rupela političkoj situaciji u Bosni i Hercegovini, fokusirajući se na trenutni status implementacije odluke Ustavnog suda o konstitutivnosti naroda u BiH. Implementacija ove odluke, koja se sada nalazi u odlučujućoj fazi, pokazat će do kojeg stepena političari u BiH mogu iskazati zrelost i demonstrirati sposobnost preuzimanja odgovornosti za izazove koji stoje pred ovom zemljom, rekao je Visoki predstavnik. Dva zvaničnika su konstatirala da je prijem Bosne I Hercegovine u Vijeće Evrope značajan korak prema integraciji, ali i da ono sa sobom nosi odgovarajuće obaveze za državu BiH.

Visoki predstavnik je izrazio pohvalu za medjunarodni Trust Fond sa sjedištem u Ljubljani, koji igra veoma značajnu ulogu u naporima, koji se poduzimaju na deminiranju u BiH. Ministar vanjskih poslova Rupel složio se s tim da donatorska zajednica očekuje brzo usvajanje Zakona o deminiranju BiH u Parlamentarnoj skupštini BiH, kao i značajne i vidljive pomake nakon toga.

Visoki predstavnik je naglasio pozitivnu ulogu Slovenije u pogledu razvoja cijelog regiona. Kada bude prva država iz bivše Jugoslavije koja je pristupila Evropskoj Uniji, ona će imati poseban politički značaj za sve države nasljednice SFRJ. Visoki predstavnik je izrazio nadu da će Slovenija održati i

proširiti svoj ekonomski angažman u BiH i ostati i dalje partner u podršci mirovnoj implementaciji kao i procesu integracije BiH u Evropu.